



# ЛУДСА МАРЛА КНИГАМ

Татарстан Республикасые Буймо ял книгагудо пашаен-влак марла книга-влакым кумдан шаркалымаште кугу пашам ыштен шогат, ты шот дене "Марий улам-марла лудам" сетевой марафоным шонен муын, моло книгагудылам пырля ушнаш ўжыныт.

Морко районышто тиде акцияш Газ, Кугу Шале, Эгерсола, Красный Стекловар, Чодыраял, Зеленогорск, Семисола, Шенше, Морко рўдö книгагудо-влакат уло кумылын ушненыт. Акций годым Мария Тимофеевна Евсееван "Кенчака", Сергей Григорьевич Чавайнын "Ото", Николай Семенович Мухинын "Турийын мурыжо", Иван Одарын "Таргылтыш", Валентин Колумбын "Ўмам пу", Юрий Артамоновын "Корно воктен мардежвакш" да моло произведенийым йўкын лудмо видеосш возалтыныт.

Мут толмашеш, у марла книга-влак Морко

книгагудылашке эреак толыт. Тудым налаш окса кызыт пеш начар пуалтеш гынат, книгагудо пашаен-влак, шочмо йылмым йöра-тен, у книга-влакым фондлан шке налыт. Марий книга издательстве дене кылна пенгыде. 2019 ийыште гына марий йылме дене лекше 273 у книгагудым налме, тыгак кумло экземпляр "Ончыко" журналым каже тылзын налына да лудшо-влак деке шуктена. А Унчо книгагудо вуйлатыше Лидия Ямнеева шкеак 60 экземпляр журналым налын, шке селасе калык коклаште шаркала.

Толза библиотекеш, налза марла книга-влакым, лудса да чонлан келшыше ужашым, почеламутым мемнан книгагудо страницыштына возаш полшена.

**Маргарита СЕМЁНОВА,**  
Морко рўдö книгагудо вуйлатыше